

Antxiñako fotografixia



San Juan kaleko arkua

Orain San Juan jaixak **Garagaltza** auzuan bakarrik egiten badittue be, sasue batian goi eta behe ospaketan zittuain, hau da, **San Juan auzuan** eta **San Juan kalia**n, bixetan. Behian orain dala 30 bat urte itxi otzain fiestak antolaketari. San Juan kaleko gauzarik tipiko eta tradizionalena jaixetarako auzotarrak jasoten ebein arku dotoria izaten zan. **Kirriñenetik** zerraraño egoten zan arkuori, untzaz eta loraz apainketan ebein eta urtero diferentia izaten zan. Arkua moldaitteko lanak akabo ondoren, fotografixia ataraten ebein sarritan. Urte desberdiñetakua ikusi ahal izan dittugu; hau baiño zertxobait zaharragua be bai, baiña banaka batzuk bakarrik ezauketan gitualako, beste hau aukeratu dogu. Honek be ixa 70 urte izango dittu; Primo de Rivera-ren garaikua edo, izango da.

Goittik behera eta ezkerretik eskumara honeitxek dira ezagutu ahal izan dittugunak:

- Goixenian: **Klaudio Urtaza, Kirriñena**, X.X.; X.X.
- Beheratxuago: X.X.; **Juan Elortza, Txinparta**;
- 3. illaran: X.X.; **Frantziska Ezkibel; Doroteo Urtaza, Kirrin; Jabiera Ezkibel**;
- 4. illaran: **Juan Murua, Enterradoria; Dominika Etxeberria, Azpeitxenekoa** ama; **Mariano Bikuña**; aldameneko muti-

kua, **Felix Bikuña**; honen atzian **Teodora Alzela, Azpeitxenekoa** amandria; **Maria Kortabarría, Kirriñenekoa** ama; **Roman Dorronsoro, Azpeitxenekoa** aitta; bere aurreko neskatillia, **Dolores Urtaza, Kirriñena**; mutikua, X.X.; **Leandro Elortza, Txinparta**; **Tomas Odriozola, Enterradoriana**, X.X.; **Esteban Kortabarría, Gorduena**; **Bitoriana Billar; Mariano Elortza, Kurpide** baserrikua baiña San Juan kalia bizi zana; **Juan Elortza, Txinpartanekoa** aitta; **Frantzisko Aiastui, Otxuena**; **Bizenta Agirrebengoa, Txinpartanekoa** ama; **Teodora Zugasti, Otxuena** ama; **Maria Antonia, Azpeitxenekoa** amandrea zaharra; **Anastasia Lizarralde (?)**, **Enterradorienekoa** ama; azkenengo honen besuetan **Bittor Murua, Felix, mantxua**.

- Beheko illaran: neskatillatxua, **Pilar Bikuña; Jesusa Ezkibel**; umia, X.X.; **Migel Ezkibel; Eduardo Murua, Enterradorianekoa** arotza; umia, X.X.; **Meterio Aiastui, Otxuena; Ximon Dorronsoro, Metalgua**; bere eskumako neskatillia, **Bittori Urtaza, Kirriñena; Maria Kortabarría, Gorduena**; gainerako umiak ezezagunak.

Argazkixa Felisa Dorronsorok itxi dosku. Eskerrak auzotarrak ezauketan lagundu doskuen danoiri.

Pintxo bereziak. Kafeak

IZARRAITZ
taberna

Giro ezin hobea

Tfnoak: 78 22 47/ 71 61 39 (Etxekoa) OÑATI

TXINTXURRETA
ELEKTRETXEIA
Elektra instalazioak
eta iluminazioa

Kale Barria, 5. Tfnoa: 78 01 54 / 78 11 74 OÑATI